




Ang Leong Nakita ang Sarili sa Tubig

Idries Shah

Ingrid Rodriguez




 The Asia Foundation



Noong unang panahon, mayroong isang leon na ang pangalan ay Sher. Siya ang hari ng lahat ng hayop sa buong kagubatan.

Mayroon siyang isang gintong kiling sa kaniyang ulo, lahat mabalahibo gaya ng buhok, ngunit malago at ginintuan. Mayroon din siyang gintong balabal.



Nakasanayan
niyang umungol ng “Grrrrrrrrrrrrrrr” sapagkat
ganoon magsalita ang mga leon.



Ngunit hindi lahat ng hayop ay alam na ganoon siya magsalita. Ang ilan sa kanila, kapag narinig siyang magsabi ng “Grrrrrrrrrrrrrr” ay natatakot at tumatakbo palayo.




Hindi nagtagal, dahil nakita ng ibang mga hayop ang kanilang mga kaibigan na tumatakbo, lahat ng hayop ay natakot, at nagsimulang tumakbo papalayo.



Ngayon, napaisip ang leon na si Sher. “
Nakakatawa naman! Bakit ang lahat ay
tumatakbo papalayo sa akin?”
Kaya siya ay sumigaw, “Grr-grr?” na ang ibig
sabihin ay “Bakit kayo tumatakbo?”



Alam natin na ang ibang hayop ay hindi nakaiintindi ng salitang leon. At dahil ngayon siya ay sumisigaw nang malakas, sila ay nagwika, “Ang hari ng kagubatan na si Sher ay marahil galit na galit sa atin ngayon!”



Kaya naman mas bumilis pa ang kanilang pagtakbo.



Siyempre, hindi naman galit si Sher. Gusto lamang niyang malaman kung bakit silang lahat ay tumatakbo palayo.

Siya ay napaisip, “Mga katawa-tawang hayop! Hindi ko na lamang sila papansinin. Ako ay nauuhaw. Iinom muna ako ng tubig sa lawa.

”



At tiningnan niya ang buong lugar hanggang sa makahanap siya ng tubig.



Sa loob ng kagubatan ay mayroong lawa. Ito ay malinaw, payapa, at kumikinang na parang salamin. Si Sher ay talagang nauuhaw na at habang siya ay papalapit sa lawa, nasabi niya sa kaniyang sarili, “Grrrr gusto ko nang uminom ng tubig, grrr.” Ganoon magsalita ang mga leon.



Ngunit nang siya ay makarating sa lawa na makinang gaya ng isang salamin, tumingin siya at nakita ang sariling anyo sa tubig.



Hindi pa niya nakita iyon dati kaya naisip niyang may isa pang leon sa lawa ang nakatingin sa kaniya. Siya ay labis na natakot sa leon na ito kaya't hindi na siya makainom ng tubig. Hindi ba siya nakatatawang leon? "Ay naku!" sinabi niya sa sarili.

"Iyon ay isa pang leon, at nais niyang pigilan ako sa pag-inom ng kaniyang tubig."

At pagkatapos ay sinabi niya sa isang leon, "Grrrr!", na nangangahulugang, "Gusto ko rin

ng tubig!”



Dumating na rin ang iba pang mga hayop na gustong uminom sa kumikinang na lawa. Nakita nila ang leon na si Sher at sinabing, “Anong ginagawa mo at nakatitig ka sa tubig habang umuungol pero hindi naman umiinom?” Huminga nang malalim si Sher at sumagot, “Hindi ako makainom dahil may isa pang leon sa lawang iyan at paulit-ulit siyang nagsasabi ng Grr-grr sa akin.” Humagikgik ang mga hayop nang marinig ito dahil alam

nilang ito ay imahe
rin niya sa tubig. Ngunit hindi ito alam ni
Sher.



Isang magandang paruparo ang dumapo malapit sa tainga ng leon at sa munting tinig ay nagsabing, “Huwag kang maging hangal, Sher. Walang ibang leon sa tubig!” Ngunit sabi ni Sher, “Mayroon talagang leon sa tubig, nakikita ko siya!”



Ang lahat ay tumigil lamang at naghintay kung ano ang mangyayari.



Si Sher, ang leon, hari ng kagubatan, ay nauhaw nang nauhaw nang nauhaw nang nauhaw. Sa huli ay sinabi niya, “Wala akong pakialam, kailangan kong uminom ng tubig. Labis akong nauuhaw.

Wala na akong pakialam sa leon doon, o kung gaano siya kabangis!”


At inilagay niya ang kaniyang ulo sa tubig.

Habang umiinom siya, nakita niyang nawala na ang isa pang leon. Siyempre, nawala ito

sapagkat hindi talaga ito naroroon. Ito ay kaniyang sariling repleksiyon sa tubig. Nang gawin niya ito, naramdaman niya ang malamig na tubig sa kaniyang bibig at nagsimulang uminom.



Nang iangat niya ang ulo mula sa pag-inom
ay nakita niya ang mga hayop na nakatayo
roon, sinabi niya...



“Dahil doon, sa wakas ay natutuhan ko na ang repleksiyon ay hindi katulad ng totoong bagay!” At sa katapusan, ang lahat ay namuhay nang maligaya.





USAID
FROM THE AMERICAN PEOPLE

RTI
INTERNATIONAL

ABC+: Advancing Basic Education in the Philippines



The Asia Foundation

This book was adapted as part of ABC+: Advancing Basic Education in the Philippines project.

ABC+ is a partnership of USAID and the Department of Education (DepEd), implemented by RTI International together with The Asia Foundation (TAF), SIL LEAD, and Florida State University (FSU).

This book was field tested by Marlon Dublin and was reviewed by Maria Charlene P. Melegrito.

This book was approved for publication by the Department of Education – Bureau of Learning Resources.

Brought to you by



The Asia Foundation

Let's Read is a program of The Asia Foundation that supports early reading skills and habits to develop our next generation of critical thinkers and creative innovators in Asia and the Pacific.

To read more books like this and get further information,
visit: letsreadasia.org

Original Story

Ang Leong Nakita ang Sarili sa Tubig (*The Lion Who Saw Himself in the Water*). Author: Idries Shah. Illustrator: Ingrid Rodriguez.

Published by Hoopoe Books, © Hoopoe Books.

Translations: © The Asia Foundation, 2022.

Contributing translators: Julianne Ross Chuidian, Jill Dela Chica, Ahllysa Jhane Siachongco, and Dharyl Mae Degara